

## MAITE ZAITUT.

---

Pozezko itz bat aditu nairik  
Maitecho, zure abotik,  
Pasa izan naiz jizar ederra!  
Askotan zure ondotik:  
Emango dizut gauza pollit bat  
Aterarikan kolkotik,  
Jarri dezazun lepo zurian  
Chinchilik lokarrichotik.

Gauza guchi da bañan alare  
Asko baliyo dubena,  
Onela dizut adierazten  
Zuria naizela dena;  
Maitetasun au, jakin beazu,  
Da nere biyotzarena,  
Ezagutu ta andikan laster  
Zugana artu zubena.

Badet ama ta badet anaia  
Asko maite dituanak,  
Bañan bakarrik zuk dizkidatzu  
Aztu arazitzen denak;  
Maitetasunak berekiñ dauzka  
Poz ta negarrezko lanak,  
Orren azpiyan gaude gazte on  
Biyotzez prestu geranak.

JUAN IGNAZIO URANGA.

---